

Broj: 560/21

Datum: 23. 04. 2021. godine

Na osnovu člana 64., a u vezi s članovima 75–90. Zakona o visokom obrazovanju SBK/KSB (Sl.novine SBK/KSB, broj 4/13) i članovima 81-93. Statuta Sveučilišta/Univerziteta „VITEZ“ ( u daljem tekstu: Sveučilišta), na prijedlog rektora, Senat Sveučilišta, na 6. sjednici Senata, održanoj dana 23.04. 2021. godine, donosi

**ODLUKU  
O DONOŠENJU PRAVILNIKA O AKADEMSKIM ZVANJIMA  
SVEUČILIŠTA/UNIVERZITETA “VITEZ“**

**Član 1.**

Senat Sveučilišta donosi Pravilnik o akademskim zvanjima Sveučilišta, koji čini sastavni dio ove Odluke.

**Član 2.**

Odluka stupa na snagu danom donošenja i bit će objavljena na web stranici Sveučilišta.

  
PREDSJEDNIK SENATA  
prof. dr. sc. Mirko Puljić

Dostaviti;

- Nastavna služba
- Kadrovska služba
- a/a

**SVEUČILIŠTE/UNIVERZITET “VITEZ“ VITEZ**

**PRAVILNIK O AKADEMSKIM ZVANJIMA SVEUČILIŠTA/UNIVERZITETA  
“VITEZ“ VITEZ**

**April, 2021. godine**

## SADRŽAJ

I OPĆE ODREDBE.....	1
II AKADEMSKA ZVANJA.....	1
III USLOVI ZA STICANJE ZVANJA NASTAVNIKA I SARADNIKA .....	2
IV PERIOD IZBORA AKADEMSKOG OSOBLJA .....	3
V POSTUPAK IZBORA U NASTAVNIČKA I SARADNIČKA ZVANJA.....	3
VI IZVJEŠTAJ KOMISIJE .....	6
VII POSTUPAK ODUZIMANJA ZVANJA .....	8
VIII ANGAŽMAN AKADEMSKOG OSOBLJA NA SVEUČILIŠTU.....	8
IX POČASNO ZVANJE PROFESOR EMERITUS .....	9
X PRELAZNE I ZAVRŠNE ODREDBE .....	9

Na osnovu člana 64., a u vezi s članovima 75–90. Zakona o visokom obrazovanju SBK/KSB (Sl.novine SBK/KSB, broj 4/13) i članovima 81-93. Statuta Sveučilišta, na prijedlog rektora, Senat Sveučilišta/Univerziteta, na 6. sjednici Senata, održanoj dana 23.04. 2021. godine, donosi

## **PRAVILNIK O AKADEMSKIM ZVANJIMA SVEUČILIŠTA/UNIVERZITETA „VITEZ“ VITEZ**

### **I OPĆE ODREDBE**

#### **Član 1.**

##### **(Predmet Pravilnika)**

Pravilnikom o akademskim zvanjima (u daljem tekstu: Pravilnik) propisuje se postupak i uslovi izbora akademskog osoblja u nastavno-naučna i saradnička zvanja na Sveučilištu/Univerzitetu “VITEZ“ Vitez (u daljem tekstu: Sveučilište), te postupak i uslovi imenovanja i rada Komisije za pisanje Izvještaja za izbor u akademska zvanja.

#### **Član 2.**

##### **(Sveučilište kao nosilac izbora)**

Sveučilište vrši izbor u nastavno-naučna i saradnička zvanja u skladu sa Zakonom o visokom obrazovanju SBK/KSB (u daljem tekstu: Zakon), Statutom Sveučilišta i ovim Pravilnikom.

### **II AKADEMSKA ZVANJA**

#### **Član 3.**

##### **(Naučno-nastavna i saradnička zvanja)**

- (1) Naučno-nastavna zvanja nastavnika na Sveučilištu su:
  - a. redovni profesor,
  - b. vanredni profesor,
  - c. docent i
  - d. lektor.
- (2) Naučno-nastavna zvanja saradnika na Sveučilištu su:
  - a. viši asistent i
  - b. asistent.

### III USLOVI ZA STICANJE ZVANJA NASTAVNIKA I SARADNIKA

#### Član 4.

##### (Uslovi za izbor u nastavno-naučna zvanja nastavnika)

Minimalni uslovi za izbor akademskog osoblja u nastavno-naučna zvanja nastavnika su:

- **redovni profesor:** provedeno najmanje jedno izborno razdoblje u zvanju vanredni profesor, najmanje dvije objavljene knjige, najmanje osam naučnih radova objavljenih u priznatim publikacijama, sve nakon sticanja zvanja vanredni profesor, te uspješno mentorstvo kandidata za stepen drugog i trećeg studijskoga ciklusa.
- **vanredni profesor:** provedeno najmanje jedno izborno razdoblje u zvanju docent, najmanje pet naučnih radova objavljenih u priznatim publikacijama, objavljena knjiga i originalni stručni uspjeh, kao što je projekt, patent ili originalna metoda, sve nakon izbora u zvanje docent, te uspješno mentorstvo kandidata za stepen drugog studijskoga ciklusa;
- **docent:** naučni stepen doktor nauka u danom području, najmanje tri naučna rada objavljena u priznatim publikacijama, te pokazane nastavničke sposobnosti;
- **lektor:** stepen drugog studijskog ciklusa (magisterij).

#### Član 5.

##### (Uslovi za izbor u nastavno-naučna zvanja saradnika)

Minimalni uslovi za izbor akademskog osoblja u nastavno-naučna zvanja saradnika su:

- **asistent:** odgovarajući sveučilišni stepen, s najmanje 240 ECTS bodova i s najnižom prosječnom ocjenom 3,5 ili 8;
- **viši asistent:** stepen drugog studijskog ciklusa (magisterij);

#### Člana 6.

##### (Saradnici)

- (1) Drugi saradnici na Sveučilištu su demonstratori.
- (2) Demonstrator može biti student koji postiže izvanredne rezultate u određenim naučnim oblastima ili predmetima koji se izučavaju na Sveučilištu, kao i osobe koje su zaposlene u drugim institucijama, a stručnjaci su za određenu oblast (stručni saradnik).
- (3) Student može biti angažiran da pod rukovodstvom nastavnika ili asistenta obavlja određene zadatke iz naučno-nastavnog rada.
- (4) Angažiranje osoba iz prethodnog stava odobrava Senat, na prijedlog Naučno-nastavnog vijeća fakulteta.
- (5) Prava i obveze osoba angažiranih u izvođenju nastavnog procesa, iz prethodnog stava bliže se uređuju ugovorom o angažiranju u realizaciji nastave, a u skladu sa općim aktima Sveučilišta.

## **IV PERIOD IZBORA AKADEMSKOG OSOBLJA**

### **Član 7.**

#### **(Period izbora u naučno-nastavna i saradnička zvanja)**

- (1) Period na koji se bira akademsko osoblje na Sveučilištu je:
  - a. asistent, na razdoblje od četiri godine, bez mogućnosti ponovnog izbora;
  - b. viši asistent, na razdoblje od pet godina, s mogućnošću ponovnog izbora isključivo ako postigne stepen trećeg studijskog ciklusa;
  - c. lektor, na razdoblje od pet godina, bez mogućnosti ponovnog izbora;
  - d. docent, na razdoblje od pet godina, s mogućnošću ponovnog izbora;
  - e. vanredni profesor, na razdoblje od šest godina, s mogućnošću ponovnog izbora;
  - f. redovni profesor, trajno.
- (2) Nastavnik se u pravilu bira na užu naučnu oblast, a izuzetno na nastavni predmet.
- (3) Osoba koja se prvi put bira u zvanje nastavnika, po pravilu se bira u zvanje docenta.
- (4) Saradnik se bira na užu naučnu oblast.
- (5) Saradnik može biti izabran u više naučno-nastavno zvanje i prije isteka perioda na koji je izabran kada stekne uslove za izbor u više zvanje.
- (6) Sveučilište, bez raspisivanja javnog konkursa i bez zasnivanja radnog odnosa, može angažirati izabrane nastavnike i saradnike drugih sveučilišta.
- (7) Sveučilište može preuzeti nastavnike u zvanjima na koja su već izabrani na drugim visokoškolskim ustanovama.
- (8) Odluku o preuzimanju izbora i povjeravanju predmeta donosi Senat na prijedlog Nastavno-naučnog vijeća fakulteta.
- (9) Za nastavnika koji je ponovo izabran u isto naučno-nastavno zvanje (reizbor), a koji naknadno ispuni uvjete za izbor u više zvanje, može se pokrenuti postupak za izbor i biti izabran u više zvanje i prije isteka roka iz člana 7. ovog Pravilnika.

## **V POSTUPAK IZBORA U NASTAVNIČKA I SARADNIČKA ZVANJA**

### **Član 8.**

#### **(Pokretanje postupka za izbor)**

- (1) Postupak za izbor nastavnika i saradnika u isto ili više zvanje, odnosno za izbor novih nastavnika i saradnika na Sveučilištu, pokreće se zbog isteka perioda na koji su nastavnici i saradnici izabrani ili zbog potrebe Sveučilišta za većim brojem nastavnika i saradnika u naučno-nastavnom procesu, pokreće se
- (2) Konkurs za izbor nastavnika i saradnika u zvanja, u viša zvanja ili ponovni izbor u isto zvanje objavljuje se najkasnije tri (3) mjeseca prije isteka perioda na koji je nastavnik odnosno saradnik biran.
- (3) Period izbora anagažiranih nastavnika i saradnika, te potrebu pokretanja procedura izbora nastavnika i saradnika prati i na vrijeme za istim ukazuje, kandidatima i

članovima Naučno-nastavnog vijeća, referent za radne odnose i izbore u akademska zvanja.

- (4) Izbor u zvanje nastavnika i saradnika Sveučilišta provodi se u roku od šest (6) mjeseci od dana objavljivanja konkursa.
- (5) U rok od šest (6) mjeseci ne uračunava se vrijeme kolektivnog godišnjeg odmora.

#### **Član 9.** **(Raspisivanje konkursa)**

- (1) Izbor akademskog osoblja se vrši javnim konkursom.
- (2) Konkurs za izbor nastavnika i saradnika raspisuje Sveučilište.
- (3) Senat Sveučilišta, na prijedlog Nastavno-naučnog vijeća fakulteta, donosi odluku o raspisivanju konkursa za izbor u zvanje, u više zvanje ili ponovni izbor u isto zvanje nastavnika i saradnika.

#### **Član 10.** **(Konkurs)**

- (1) Konkurs za izbor nastavnika i saradnika u akademska zvanja najmanje sadrži:
  - akademsko zvanje s naznakom relevantnih odredbi Zakona i ovoga Pravilnika;
  - užu naučnu oblast ili nastavni predmet na koji se kandidat bira;
  - naznaku da li se bira radi zasnivanja radnog odnosa, bez zasnivanja radnog odnosa, izbor u više zvanje (napredovanje) ili izbor u isto zvanje (reizbor);
  - uslove koje kandidat treba ispunjavati;
  - potrebnu dokumentaciju koja se prilaže uz prijavu;
  - rok za podnošenje prijave, koji ne može biti kraći od 10 dana od dana objavljivanja;
  - adresu na koju se podnosi prijava;
  - naznaku da se nepravodobne, nepotpune i neuredne prijave neće razmatrati.
- (2) Konkurs iz člana 9. ovog Pravilnika se objavljuje u jednom od dnevnih listova i na web stranici Sveučilišta.

#### **Član 11.** **(Komisija za pripremanje Izvještaja o prijavljenim kandidatima)**

- (1) Senat na prijedlog Nastavno-naučnog vijeća fakulteta imenuje Komisiju za pripremanje Izvještaja o prijavljenim kandidatima, po završetku konkursa.
- (2) Komisiju iz prethodnog stava ovog člana Pravilnika čine najmanje 3 (tri) člana koji ne mogu biti u nižem zvanju od zvanja u koje se kandidat bira i od kojih najmanje 1 (jedan) član mora biti iz nastavnoga predmeta ili uže naučne oblasti na koju se kandidat bira.

- (3) Pri izboru za multidisciplinarne predmete ili uže naučne oblasti, Komisiju čini najmanje 5 (pet) članova od kojih najmanje po jedan član mora biti iz užih naučnih oblasti na koje se kandidat bira.
- (4) U odluci o imenovanju Komisije iz stava 1. ovog člana Pravilnika određuje se predsjednik, koji je odgovoran za koordinaciju njenog rada i pripremanje Izvještaja.

#### **Član 12.**

##### **(Rad Komisije za pripremanje Izvještaja)**

- (1) Komisija za pripremanje Izvještaja o izboru priprema Izvještaj o prijavljenim kandidatima i prijedlog za izbor kandidata ili više njih u skladu sa uslovima iz konkursa.
- (2) Komisija može da predloži da se nijedan od prijavljenih kandidata ne bira.
- (3) Prilikom predlaganja kandidata Komisija je dužna poštovati minimalne uslove za izbor u odgovarajuće zvanje u skladu sa članovima 4. i 5. ovog Pravilnika.
- (4) Komisija sačinjava Izvještaj u skladu sa ovim Pravilnikom u roku od 30 dana računajući od dana prijema odluke o imenovanju i dostavlja Nastavno-naučnom vijeću koje ju je predložilo, ovaj se rok, iz objektivnih razloga, može produžiti najviše 30 dana.
- (5) Izvještaj se dostavlja u pismenom i elektronskom obliku.

#### **Član 13.**

##### **(Rad Nastavno-naučnog vijeća)**

- (1) Nastavno-naučno vijeće u roku od 30 dana od dana prijema Izvještaja i prijedloga za izbor Komisije dostavlja svoj prijedlog Senatu.
- (2) Nastavno-naučno vijeće dostavlja Senatu:
  - a) Izvještaj Komisije;
  - b) prijedlog odluke Nastavno-naučnog vijeća o prihvatanju ili ne prihvatanju Izvještaja Komisije, te prijedlog za izbor.

#### **Član 14.**

##### **(Rad Senata Sveučilišta)**

- (1) Odluku o izboru u akademsko zvanje donosi Senat Sveučilišta, na prijedlog Nastavno-naučnog vijeća fakulteta.
- (2) Razmatrajući Izvještaj i prijedlog Nastavno-naučnog vijeća za izbor nastavnika i saradnika u akademsko zvanje Senat može donijeti:
  - odluku da se predloženi kandidat izabere u predloženo zvanje;
  - odluku da se predloženi kandidat ne izabere u predloženo zvanje;
  - ukoliko Senat ocjeni da su za valjanu odluku potrebna dodatna mišljenja, može donijeti zaključak o odlaganju donošenja odluke i u tom slučaju određuje rok za dopunu prijedloga, koji ne može biti duži od 20 dana.
- (3) Odluka Senata dostavlja se svim kandidatima koji su dostavili blagovremene i potpune prijave za izbor u zvanje za oblast, u roku od 8 dana od dana donošenja, sa pravnom poukom o mogućnosti podnošenja zahtjeva za preispitivanje odluke o izboru u

akademsko zvanje Senatu u roku od 15 dana, računajući od dana kada je obavješten o odluci.

- (4) Odluku iz prethodnog stava dostavlja referent za radne odnose i izbore u akademski zvanja.

## **VI IZVJEŠTAJ KOMISIJE**

### **Član 15.**

#### **(Sadržaj Izvještaja Komisije za izbor)**

Izvještaj Komisije sadrži sljedeće podatke:

- a) podatke o sastavu Komisije;
- b) opće podatke o raspisanom konkursu;
- c) za sve kandidate, čije su prijave potpune i blagovremene:
  - osnovne biografske podatke;
  - diplome i zvanja;
  - pregled i mišljenje o dosadašnjem naučnom i stručnom radu;
  - pregled i mišljenje o nastavnom radu;
  - zaključno mišljenje.
- d) prijedlog o izboru.

### **Član 16.**

#### **(Podaci o sastavu Komisije)**

Podaci o sastavu Komisije treba da sadrže: ime i prezime, zvanje, visokoškolsku ustanovu i naučnu oblast/predmet izbora za sve članove komisije.

### **Član 17.**

#### **(Opći podaci o raspisanom konkursu)**

Opći podaci o raspisanom konkursu treba da sadrže: vrstu konkursa, naziv naučne oblasti ili predmeta, naučno-nastavna ili saradnička zvanja u koje se vrši izbor, tačno utvrđen broj kandidata koji se traže konkursom, datum i mjesto objavljivanja, te odluku Senata Sveučilišta o imenovanju Komisije.

### **Član 18.**

#### **(Biografski podaci kandidata)**

Osnovni biografski podaci obavezno sadrže sljedeće informacije: ime, ime jednog roditelja, prezime, datum i mjesto rođenja, ustanove u kojima je bio zaposlen, radna mjesta, članstva u naučnim i stručnim organizacijama ili udruženjima, podaci o poznavanju stranih jezika.

## **Član 19.**

### **(Podaci o obrazovanju kandidata)**

- (1) U dijelu koji sadrži podatke o diplomama i zvanjima obavezno se za sve kandidate koji se biraju u odgovarajuće zvanje navode podaci o osnovnom studiju (I ciklus), magistarskom studiju (II ciklus), doktoratu (III ciklus), te prethodnom izboru u naučno-nastavna i saradnička zvanja.
- (2) Za osnovne studije (I ciklus) navodi se naziv ustanove na kojoj je kandidat studirao, studijski program, ukupan broj ostvarenih ECTS bodova, ukoliko je studij završen po Bolonjskom procesu studiranja, mjesto i godina završetka, te prosječna ocjena iz cijelog studija.
- (3) Podaci o magistrskom studiju (II ciklus) sadrže naziv ustanove, studijski program, ukupan broj ECTS bodova, ukoliko je studij završen po Bolonjskom procesu studiranja, mjesto i godina završetka, naslov završnog rada i uža naučna oblast (podaci iz diplome) iz koje je kandidat magistrirao, te prosječnu ocjenu na magistarskom studiju.
- (4) Podaci o doktoratu (III ciklus) sadrže naziv ustanove na kojoj je kandidat doktorirao, naziv, mjesto i godinu odbrane doktorske disertacije, te naučna oblast u kojoj je kandidat doktorirao (podaci iz diplome).
- (5) Obavezno se navode svi prethodni izbori u naučno-nastavna i saradnička zvanja, sa nazivom institucije gdje je izbor izvršen i godinom izbora, te naznakom naučne oblasti, ili predmeta, ili grupe predmeta.

## **Član 20.**

### **(Naučni i stručni rad)**

Navode se svi objavljeni radovi, knjige i rezultati vlastitih istraživanja u primjeni, projekti, te mentorstvo, odnosno javno predstavljeni oblici umjetničkog stvaralaštva u vremenu do i od posljednjeg izbora.

## **Član 21.**

### **(Prijedlog Komisije o izboru)**

- (1) Na kraju Izvještaja Komisije, daje se prijedlog Komisije i zaključno mišljenje koje predstavlja obrazloženje prijedloga Komisije.
- (2) Ukoliko više kandidata zadovoljavaju uslove za izbor u zvanje prema konkursu iz člana 10. ovog Pravilnika, Komisija predlaže kandidata ili kandidate, u skladu sa zahtjevom iz konkursa, sa naznakom za koje zvanje se predlaže kandidat.
- (3) Saglasnost sa Izvještajem o prijavljenim kandidatima i prijedlogom za izbor u zvanje na Sveučilištu svi članovi Komisije potvrđuju svojim potpisom.
- (4) Ukoliko neko od članova Komisije nije saglasan sa prijedlogom o izboru dužan je svoje izdvojeno mišljenje dostaviti u pisanom obliku koji čini sastavni dio Izvještaja Komisije.

## VII POSTUPAK ODUZIMANJA ZVANJA

### Član 22.

#### (Pokretanje postupka oduzimanja zvanja)

- (1) Ako se nakon izbora u odgovarajuće zvanje dokaže da radovi na osnovu kojih je izvršen izbor u akademsko zvanje predstavljaju plagijat, pokreće se postupak za oduzimanje zvanja.
- (2) Odluku o pokretanju postupka iz stava 1. ovog člana donosi Senat po osobnoj inicijativi ili na prijedlog Naučno-nastavnog vijeća fakulteta.

### Član 23.

#### (Oduzimanje zvanja)

- (1) Senat, uz prethodno mišljenje Naučno-nastavnog vijeća vijeća, a nakon pokretanja postupka za oduzimanje zvanja, imenuje Komisiju koje podnosi Izvještaj Senatu sa prijedlogom o oduzimanju zvanja ili odbijanju inicijative za oduzimanje zvanja.
- (2) Komisija, iz prethodnog stava ovog člana, ima najmanje 5 (pet) članova, koji ne mogu biti u zvanju nižem od zvanja koje ima osoba protiv koje je pokrenut postupak i najmanje 3 (tri) člana da nisu u radnom odnosu na Sveučilištu.
- (3) Odluka Senata je konačna.

## VIII ANGAŽMAN AKADEMSKOG OSOBLJA NA SVEUČILIŠTU

### Član 24.

#### (Ugovor o radu )

- (1) Nastavnici i saradnici zaključuju ugovor o radu sa Sveučilištem na određeno vrijeme.
- (2) Izuzetak iz prethodnog stava je redovni profesor sa kojim se zaključuje ugovor o radu na neodređeno vrijeme,
- (3) Nakon isteka perioda iz člana 7. ovog Pravilnika zaključuje se novi ugovor o radu sa svakim nastavnikom i saradnikom koji je izabran u isto ili više akademsko zvanje.
- (4) Nastavnicima i saradnicima koji su u radnom odnosu na Sveučilištu, a koji po isteku izbora ne bude izabran u isto ili više zvanje, prestaje radni odnos.

### Član 25.

#### (Ugovor o djelu)

- (1) Sveučilište može da angažira honorarno nastavnike i saradnike koji imaju izbor na drugim visokoškolskim ustanovama Ugovorom o djelu (Ugovorom o angažiranju u realizaciji nastave).

10/10

- (2) Sveučilište može pozvati istaknutog naučnika ili stručnjaka da sudjeluje u realizaciji dijela nastave iz programa nastavnog predmeta – gostujući profesor.
- (3) Odluku o angažiranju gostujućeg profesora (istaknutog naučnika, odnosno stručnjaka), sa definiranim programom angažmana donosi Senat Sveučilišta na prijedlog rektora ili dekana fakulteta.
- (4) Prije početka akademske godine na prijedlog Nastavno-naučnih vijeća fakulteta Senat Sveučilišta utvrđuju odgovorne nastavnike i saradnike za taj semestar koji ispunjavaju zakonom propisane uslove, a u skladu sa nastavnim planu i programom.

## **IX POČASNO ZVANJE PROFESOR EMERITUS**

### **Član 26. (Profesor emeritus)**

- (1) Senat Sveučilišta može redovnom profesoru u penziji dodijeliti počasno zvanje *professor emeritus*.
- (2) Sveučilište u skladu sa svojim kadrovskim potrebama može dodijeliti, na prijedlog Nastavno-naučnog vijeća fakulteta, titulu *professor emeritus* penzionisanom redovnom profesoru koji je u ovom zvanju proveo najmanje pet godina i koji se posebno istakao svojim naučnim radom u oblasti za koju je izabran.
- (3) Profesor emeritus može učestvovati i u izvođenju nastave na drugom i ciklusu studija, učestvovati u izradi istraživačkih projekata i biti član Komisije za izbor u zvanja, može biti određen za odgovornog nastavnika na drugom i trećem studijskom ciklusu. Takođe, može biti mentor pri izradi doktorskih i magistarskih radova.
- (4) Procedura dodjele počasnog zvanja profesor emeritus je ista kao i ostale procedure izbora u akademska zvanja.

### **Član 27. (Počasni doktorat nauka)**

Pravilnikom o dodjeli počasnog doktorata nauka (*gradus doctoris honoris causa*) pobliže se uređuju uvjeti za dodjelu i postupak dodjele počasnog doktorata nauka Sveučilišta.

## **X PRELAZNE I ZAVRŠNE ODREDBE**

### **Članak 28. (Stupanje na snagu)**

- (1) Pravilnik stupa na snagu danom donošenja i bit će objavljen na web stranici Sveučilišta.

(2) Danom stupanja na snagu ovoga Pravilnika prestaje važiti Pravilnik o akademskim zvanjima na Sveučilištu/Univerzitetu „VITEZ“ Vitez, broj: 798/14 od 01.08.2014.godine.

**Članak 29.**  
**(Tumačenje Pravilnika)**

Tumačenje ovog Pravilnika daje Senat Sveučilišta.

Broj: 560-1 /21

Travnik, 23.04. 2021. godine

PREDSJEDNIK SENATA

\_\_\_\_\_  
prof. dr. sc. Mirko Puljić